

## BiH prestavnici Regina "Bistra voda" na devetom mjestu

17/05/2009 20:18 by Administrator

Alexander Rybak, predstavnik Norveške s pjesmom Fairytale, ubjedljivi je pobjednik ovogodišnjeg Eurosonga, koji se održao u Moskvi. da će norvežani pobjediti bilo je jasno faktički već nakon što je glasalo pet, od ukupno 42 države, učesnice Eurosonga.

Naši predstavnik, grupa Regina s pjesmom Bistra voda, zahvaljujući podršci zemalja bivše Jugoslavije, takmičenje je završila na devetom mjestu. Nesporno, rezultat Regine je dobar, no nakon što su danima odgovorni za Eurosong u našoj državi papagajski ponavljali da će naši predstavnici pomrsiti račune mnogima, da vodi na kladionicama, pa čak da će i pobjediti, a što je već postao uobičajen folklor za naše nastupe (sjetiti se Laka prošle godine u Beogradu), definitivno bi trebalo smjeniti osobe koje brinu o nastupima BiH na ovom "takmičenju". Maksimalan broj od 12 bodova za odličan nastup Regine dali su Hrvatska, Srbija i Crna Gora, Makedonija i Slovenija su dali deset, a Slovačka i Turska po osam bodova. Regina je prikupila na kraju 106 bodova. Najviše, 12 bodova, također otkrivano, BiH je dodjela Hrvatskoj. Iako su članovi "Regine" najavljivali pobjedu u Moskvi, šef bh. delegacije Dejan Kukrić istakao je da nisu nezadovoljni plasmanom u top deset zemalja, ali da smo mogli i više te da nas je pomalo iznevjerila dijaspora.

Ipak, frontmen "Regine" nije krio razočaranje.

- Nisu ispunjena naša očekivanja jer smo u Moskvu došli da pobijedimo. Ne bi nas zadovoljilo ni drugo, kao što nije ni deveto - kazao je sinoć nakon velikog finala Aco Ćeović.

Pjevač Davor Ebner smatra da je "Regina" dala svoj maksimum i da je i deveto mjesto veliki uspjeh.

Iako se ove godine pompezno najavljivalo ponovno uvođenje stručnog žirija, bodovi su se opet dijelili "i po babu i po stričevima" te je i BiH po 12 poena dobila isključivo od susjednih zemalja Srbije, Hrvatske i Crne Gore.

U finalu se takmičilo 25 zemalja, a glasalo se iz ukupno 42 države. Dakle, i iz onih zemalja koje su ispale u polufinalnih kvalifikacijama. Nagrada "Marsel Bezenon" kompozitoru "Bistre vode"

Raspoloženje frontmenu "Regine" Aleksandru Ćeoviću vjerovatno će popraviti nagrada za najbolju kompoziciju Eurosonga "Marsel Bezenon" koju je dobio za "Bistru vodu", a koju on potpisuje.

Ovu nagradu u dva navrata dobio je Jelko Joksimović za evrovizijske pjesme "Lane moje" i "Lejla".

Autor: Redakcija / Denis ZEBA

Izvor vijesti: Dnevni Avaz